

光緒山西通志

列女錄二

錄十二之二 山西通志弟百六十三

賜進士出身頭品頂戴兵部侍郎兼都察院右副都御史巡撫山西提督軍務臣張煦奉

旨監修

節孝

明 太平蒲潞汾澤六府屬

李雄妻王氏雄為太原左衛百戶洪武間沒於陣氏年十九聞訃哀號欲絕撫孤興守節歷五十餘年士夫扁其門曰忠

節

陽曲 下同

賈文遠妻楊氏洪武中旌表

董榮妻郝氏宣德五年旌表

董三漢妻馮氏宣德間旌曰貞節之門

胡源妻朱氏正統六年旌表

羅氏太原左衛中所千戶張斌妾年二十生子鑑纔八月斌

卒羅清操自勵訓鑑有成

鄒鑑妻董氏名貞歸鑑期年生子溥而鑑卒董四日不食決志殉夫所親勸之曰從夫義也捨舅姑棄藐姑其如孝慈何氏心動始進食既殯終身縞素紡績以自給爲溥娶婦王氏生子慶未期溥卒王年二十有一守節如姑士夫扁曰鄒門雙節

諸生王相妻武氏相亡撫孤厯五十餘年後子佐封河南道御史孫立賢太僕寺卿曾孫元雅遵化巡撫子孫繩繩門祚熾昌昔氏遺澤也

王天倫妻鄭氏年二十三天倫亡遺幼孤二天倫弟婦朱氏亦寡相依五十年奉姑撫幼舉無違禮巡按黃疏表其雙節生員郭應元妻彭氏通列女傳工書夫亡無子苦節以終

張棟妻劉氏年二十棟故氏育二孤成立以壽終

襲千戶潘潤妻王氏年十九潤卒讓厚產甘澹薄孀居三十餘載題請旌表

蘭州知州李鈞妻郭氏年二十遺夫喪子天資既長娶婦方有娠天資復卒妊男甫晬婦亦亡氏卒撫幼孫有成

朱知饜妻杜氏通判纘宇女也知饜家酷貧相得懽然年十九生一女知饜卒盡鬻衣物以斂既畢潛自縊姑救免孀居三十餘載勤十指以養姑內外稱之

錢謙益妻趙氏夫亡子在襁褓立志撫孤利用沖齡食餼卓然自立學使給扁獎之

生員劉一龍妻張氏年二十三而孀食貧課子艱苦萬狀子芝讀書樹立以選貢任彰德府通判

羅江四妻趙氏江四早逝守節五十餘年年踰八十卒

秦世登妻張氏守節六十餘年題請旌表

秦世賢妻吳氏夫亡誓不他適貧無以自給素通儒書及內典課甥與姪寄食以終老

李維翰妻胡氏翰任陝西布政司理問卒於官氏扶柩歸葬遺腹生子芳桂課之誦讀登賢書官學博尙美中傳其事
參將朱國昌妻陳氏早寡守志課于萬壽後登乙酉鄉薦
舉人劉世遠妻張氏以節旌

崔九德妻高氏苦節四十六年獲旌

張彥明妻劉氏夫早沒無子女有富室願娶之氏不從其兄勸之氏厲聲曰本望成我志而反出此言耶遂與之絕值歲屢歉窘甚日號泣鄰媪疑其有悔心微諷之氏曰志豈有他

白恨不與夫同死耳年踰八十卒

劉源妻楊氏馬應龍妻李氏崔九德妻高氏葉城知縣劉世遠妻張氏俱守志節

楊素妻劉氏劉彥明長女素卒親老子幼家貧無倚劉拔髮誓志晝夜紡績以充奉養比姑壽終喪葬盡禮撫三子皆成景泰初旌表其門

太原下同

生員喬黎獻妻王氏年二十生子儒閏八月獻卒苦節撫孤巡按陳福旌之

生員段廷舉妻陳氏苦節歷五十年

生員張朝宰妻高氏青年矢志巡按趙旌其門

楊春妻王氏年十九而孀孝事舅姑慈育幼子有司旌之

千戶王貞吉妻方氏年十八遭夫喪守節弗渝學使周疏旌

之有云引刀而寢富室之謀讓產而甘薄田之入蓋紀實也
孫即妻李氏高唐知州李希孟女也通書史能詩歸孫二載
而寡其哭夫詩弔節婦邵氏長句人多傳誦

同知楊木妻司氏夫早故遺子四庶子傑方在抱氏撫如己
出比閭咸稱賢母傑長每讀詩至蓼莪輒淚下因作引罪流
芳自責以揚母德

馬乘雲妻許氏年十八夫客死淮上矢志不渝撫庶子不啻
己出學使旌其門

馬守道妻溫氏洪武十三年以節旌

榆次下同

趙旭妻周氏旭病篤氏焦勞絕粒及卒欲以死從家人嚴伺
之得免柏舟自矢操厲終身正德五年旌

杜仲賢妻劉氏年二十而寡卒完節以壽終

任整妻賈氏整役於京客死氏迎柩還葬如禮接居六十五年閭里高其節

賈濬妻劉氏年二十五而寡遺女二氏苦節不回卒年七十有七有司以聞

張景妻白氏通判白幹女年十六歸景景凶虐侈縱蕩隕先業氏事之惟謹景沒苦節四十餘年成化間請旌

賈昭妻趙氏有婦德相夫無忤昭卒撫孤文斌成立孫玆領鄉薦咸謂趙氏之報云

寇護妻冀氏護卒子天錫甫三歲苦節三十餘年有司以聞獲旌

張英妻侯氏醫官琳女年二十夫亡子瑤甫晬家人利其資產迫嫁者屢矣知志不可易遂奪其田產賣之氏曰吾夫之

祀得存窮困固可甘也視所奪略不為意里人欺其孤寡擾以官役亦竭力支持不憚艱苦聞者莫不哀敬嘉靖間奏旌
卒年八十有七光祿少卿周鈇撰墓誌

寇隅妻郭氏青年矢志學使表其閭

生員李應期妻原氏夫卒上奉兩世翁姑下撫四齡藐孤勤紡績以資事育課子香列庠序學使旌之

田仲傑妻郝氏年二十夫亡撫六歲子奎甫成立而天復撫七歲孫應科亦不永年氏淚枯三世影弔一身聞者咸為悼

歎萬歷十一年給粟布旌之

生員韋圖妻段氏夫亡遺子國基未週氏苦節三十餘年課國基讀書遊庠有司表之

生員王廷訓妻張氏年二十而寡矢守貞潔非大故足不踰

閻閻日唯御做垢啖粗糲事翁姑竭備甘旨年六十六卒
生員閻永宿妻侯氏高翔妻郝氏舉人桂廷輔妻單氏寇穆
妻張氏范成宗妻胡氏白玉妻李氏王朝義妻郝氏俱守志
節

郭璜妻郝氏年二十二璜死夜縊于柩旁姑曹驚救之泣勸
曰我年半百遺孤在乳汝死將誰依氏省悟事姑撫子孀居
五十餘年正德三年事聞旌表

太谷
下同

白思昂妻段氏生子斗甫兩月思昂卒氏年十八縊而救甦
守節五十餘年御史宋表其門

舉人党繼經妻孟氏夫卒無子家貧一日不再炊姑難其少
且貧欲嫁之氏誓死無二志躬紡績以養姑年八十三卒
舉人陳人道妾袁氏人道卒無出借嫡守志歷十五年嫡故

杜門子處與一婢相依寂如也年七十餘卒巡按旌其門
生員崔鶴妻武氏年二十夫故子未期撫孤完節艱苦備嘗
知縣申請旌之

貞生胡衍虞母車氏闖賊攻城將破氏恐被辱欲雉經侍兒
十月者云垣外有廢井不如投之氏即縊衍虞投井中會旱
水淺得不死賊退十月出之井顧不知夫之存亡也族人利
其貲產詎使再適氏不應讓之田廬而未厭復撓之氏卒不
辱守節五十二年卒姑李氏亦以節顯邑人杜可柱撰雙貞
傳

段貴斌妻陳氏年二十三夫亡家徒壁立躬耕織以資養育
歷三十一年卒

祁縣下同

武鎰妻楊氏守節撫孤年七十三卒

許琮妻呂氏早孀事舅姑以孝聞子鴻程甫二歲課讀有成
年十九領鄉薦

范奎妻王氏夫沒遺子未期矢志撫之卒年七十有五

胡早妻李氏年二十一夫故遺腹舉子堅志撫之年踰七十
卒

顧亨妻何氏年二十三夫故遺女二有欲娶之者氏剪髮自
誓甫死不二撫女完節以壽終

汪錫妻田氏性貞淑不如孀居四十餘年撫庶子如己出閭
里稱之

賈思本妻程氏夫卒氏事老育幼矢節不渝子璣娶王氏甫
生子璣死王亦勵志如姑人稱雙節

溫士德妻渠氏家貧無子苦節四十餘年足不履戶外紡績

度日人無間言

郭孝禮妻劉氏年二十四夫亡于二義三歲智在娠卒後七日而生皆鞠之成立卒年八十

王萬妻李氏呂廷與妻武氏閻朝榮妻申氏韓佩妻申氏監生康強妻田氏舉人王廷美妻袁氏范廷廣妻張氏郭伯羽妻王氏王慶妻張氏慶子王廷祿妻馮氏李廷直妻郭氏胡濂妻王氏王廷珍妻任氏庠生呂惟敬妻許氏武尙寬妻田氏驛丞胡應宿妻許氏許安周妻申氏范思安妻呂氏武尙質妻陳氏李行仁妻呂氏武定妻王氏生員許永慶妻續氏武尙學妻康氏武安邦妻許氏俱守志節

武志賢妻蘇氏年十九夫亡遺子甫一歲家貧紡績自給撫

孤成立永樂三年旌表

徐講下同

王洪妻馮氏年二十歲夫亡矢志從死姑止之氏泣而受命
養姑撫子守節終身事聞旌表

要碧妻楊氏年十八而寡子思欽妻亦早孀婦姑一節終始
弗渝嘉靖間旌表

李贊妻申氏年十八夫亡姑以其年少使再嫁氏誓死不從
撫幼子成立事聞旌表

張治妻閻氏年二十一夫亡撫孤守節歷四十餘年獲旌
郭琛妻董氏年十七生子甫期琛卒氏保孤矢志貞節不移
雙旌

張文風妻賈氏年十八夫故事姑以孝育子以慈鄉人爭頌
其節事聞旌表

蘇朝慶妻智氏年二十而孀以節壽終知縣給匾旌之

鴻臚寺序班牛芝妻王氏年二十芝亡子兆奎兆正尙在抱
氏善志撫孤誦讀皆其口授二子學成胥為諸生年踰八十

卒

清源
下同

侯景新妻王氏何瑀妻梁氏羅俊民妻張氏牛載妻段氏俱
守志節

蘇子良妻胡氏守節六十七歲萬厯間旌表

交城
下同

任弼妻呂氏年十九甫生子弼卒撫孤守節卒年七十有八
當事旌之

楊希儒妻王氏希儒早亡無出以節為鄉里所欽有司聞而
旌之

生員韓宗周妻孫氏年十九宗周卒撫孤偉成娶婦劉氏不
數年偉又沒姑婦砥節孫年八十有四劉年八十有六胥以

壽終

史萬莊妻張氏年十九守節歷五十三年萬歷間旌

霍文聚妻呂氏年二十五文聚卒守節四十餘年當事奏請

旌表

文水下同

李山妻常氏守節獲旌

李儉妻韓氏守節獲旌

王信妻張氏年二十一夫故遺子以文尙幼氏紡織自給撫

子成立孀居六十餘年

李堅妻郭氏年二十孀居撫育幼子卒年七十有六

孟進妻李氏年十九夫卒遺子甫一歲氏矢志不二苦節終

身

李美妻武氏美卒子應春方在襁褓氏鞠之長爲諸生有聲

鄉黨感高其節

郭澤妻索氏夫故觸棺欲殉家人防之得不死撫遺腹于天
負撫遺孫兩世孤雛盡成其手守節五十五年壽七十九建
坊旌表

郭樂妻王氏舉人一爵女幼嗜讀女孝經頗通字義年二十
而寡育幼孤事翁姑甚有儀範八十而終邑令馬斯和爲之
請旌

李廷妻武氏蘇統妻李氏庠生閻艾妻馬氏張翼明妻王氏
俱守志節

生員李原幣妻張氏少婦矢志訓子春豔爲諸生未幾春豔
復死撫孫自強以文學相繼年八十卒

尚嵐州下同

牛惠妻許氏惠死于兵子斗山復天鞠育孫曾嚴訓誨胥爲

諸生年九十有一卒巡按旌之

生員王定妻李氏定卒家甚窶矢守課子納諫稍不若輒泣讓之既餒于庠尋卒訓孫道成繼其先業年九十三卒題請旌表

生員秦知章妻何氏張鵬妻吳氏張大整妻王氏常懷卿妻岳氏貢生王道新妻梁氏生員王三樂妻姚氏賈振妻袁氏生員李灼妻賈氏俱守志節

溫鐸妻趙氏鐸卒舅姑欲嫁之剪髮自矢撫周歲孤志端成立正德十三年題旌

隰縣下同

李存信妻梁氏年十八夫卒于世芳甫數月守節撫孤貞操允著

諸生馮繼妻溫氏年十八而寡撫兩月遺孤克成家業人爭

頌之

張爵祿妻馮氏早孀撫幼子事舅姑以節著

靳鐸妻郭氏年十七而寡撫兩月孤有成

李尙約妻范氏年十九尙約卒貧窶無依撫孤元南備歷困苦有司聞而獎之

李祿妻溫氏祿亡年二十無舅姑子女之依莫獨守志年七十而卒

李孟和妻尹氏年十九夫亡既葬謹守一室寸步不踰苦節六十餘年有司匾旌其門

郭登高妻袁氏嫁甫四月登高卒年十七誓不二天巡按宋給匾旌之

苗生郭登科妻張氏早寡事孀姑撫幼子以完節終子光隸

學官籍

范浩妻劉氏苦節六十餘年卒

李璋繼妻袁氏璋卒家甚貧子五其二前妻出也撫之無異
已子勤課讀得成名氏子廷相以孝聞邑令嘉之特加獎
勸

王經妻田氏守節歷四十餘年百折不渝

劉聖基妻李氏夫亡矢志課子錫普甚有母儀劉氏五世單
傳自是孫枝寢熾鄉黨賢之

高宗禮妻郭氏夫卒遺腹生子親老家貧守節五十六年年
七十有八

興縣
下同

賀冕妻白氏夫亡子永甯方一歲食貧撫孤卒年七十有七
關文勝妻劉氏夫亡遺腹生子撫以成立奉孀姑賀氏以孝

聞

吳昇妻田氏生有子而昇卒隣婦憐其少勸之嫁怒曰命可
棄身不可污舅姑義之卒成其志

甄泰妻康氏奉親撫子以節著

生員樊瓚妻劉氏早孀守志子安仁出貢生任秦州判官嘉
靖間請旌

張子建妻李氏夫卒遺腹生子朝義長既授室而天又撫二
孫以老巡按李旌其貞節

自能妻趙氏年七十以節著

胡天祿妻蘇氏夫卒無子矢志自守撫義子存夫祀年七十
而終

劉攻妻樊氏年二十一夫卒兄欲奪其志氏攜子訟官全節

以終

張尋妻白氏夫亡遺腹舉子家貧身親耕稼以自食年六十

三卒

田紹先妻李氏同姑守節撫遺孤年七十六卒

康衛民妻孫氏年十八而孀守節歷四十餘年

孫仲禮妻陶氏張志端妻毛氏康尹妻王氏劉能妻張氏李

慶生妻田氏張玉寶妻樊氏張玉佩妻王氏俱守志節

李德麟妻武氏榆次人娶甫七月姑病醫藥罔效氏割股和

羹進姑食之病尋愈有司旌其孝

牛孝女太谷人主簿牛斗女父病篤百藥不效女割左臂肉

療之萬歷間知縣給扁旌異

以上太原府

張展妻李氏元末晟爲乾州學正卒時關中兵起不能還子

文瑗甫九歲氏紡績度日稍息與子負骸歸葬守節終身未

樂初旌表

臨汾下同

段蒼妻鄧氏夫亡守節子順亦早沒其妻張氏守節如姑成
化間並蒙旌表

安惟齡妻賈氏宏治間以節旌

張倫妻劉氏早寡奉翁姑以孝聞郡守李奏旌

樊志紳妻苗氏年十九夫卒遺子甫一歲甘貧守志卒年七

十

宋鉞妻魏氏早寡無子女杜門守志親屬不往還比隣終年
罕見其面後遭火燼困守益堅卒年八十僉事楊旌其門

王府典膳苟文質妻寇氏早孀矢志事舅姑沒營葬無違禮
建享堂以時祭祀築茶室以濟行人郵貧窮睦鄉黨卓有賢

辟布政元思謙爲之傳

荀晉妻杜氏食貧守志年七十三終

解琮妻劉氏八十有四以完節稱郡守李旌其門

侯鐸妻康氏僉事高嘗旌其門

張鳳妻孫氏夫卒家貧親負土築墳遺孤五歲尋亦天守節

不變年八十三卒

喬永年妻朱氏幼嫗母訓比歸喬克盡婦道閻變夫死氏於

兵燹中奉老親孺子竄徙流離卒保無恙苦節三十六年卒

亢政妻傅氏孀居五十二年巡按朱旌其節

吳承祀妻王氏早孀奉舅姑有孝稱紡績以給衣食鞠子希

顏成之洪武二十七年旌表與祖姑李氏號一門雙節襄陵下同

解鵬妻李氏年二十子孜方四歲鵬故守節四十餘年成化

十五年旌表

高盛妻王氏宏治間旌表

舉人李葆妻高氏萬曆五年以節旌子宏道孫拭拭早夭其妻閻氏亦以節聞

吳道成妻馬氏夫卒守志備歷艱辛長子世芳早歿妻李氏守志如姑

張銓妻賈氏夫亡子允紳亦早夭婦王氏年二十餘同守志節訓孫君弼登賢書

加如松妻王氏年十九夫故有豪族逼娶氏志堅金石鳴官拒之

李科妻孫氏崔忠妻喬氏秦廷材妻吉氏吳椿妻白氏郭尙智妻鄧氏梁汾妻崔氏張九霄妻李氏武舉郭連霄妻亢氏

郭明圖妻薛氏盧本實妻解氏狄來朝妻梁氏俱守志節

吉祥妻范氏年二十祥卒子思友方三歲撫孤守節洪武間

旌

洪洞下同

郭倫妻石氏少寡守志撫子諺成立天順間旌

續慧妻胡氏夫亡織紉白活境苦節堅成化間旌

南珍妻鄭氏年二十夫亡守節終身成化間旌

岳巖妻孫氏成化間旌

韓通妻宋氏年十九遭夫喪毀容垢服足不履閭限卒年八

十三宏治間旌

郭用先妻商氏用先卒遺腹生子陽十九孀居年登八十卒

宏治間旌

衛敦妻韓氏歸敦三載而寡誓撫遺孤貧不變志八十二而

卒正德間旌

生貞鄭謙妻裴氏婦謙生子良相而孀哀毀踰情深閨子處年七十未嘗一返母家嘉靖間旌表

魚臺知縣王相妻孔氏年二十四而孀冰霜勵操教子三接成進士嘉靖間旌

李俊妻南氏年十八俊卒子天祥甫五月勵志育孤壽八十而終

王儒妻南氏年二十三夫亡撫子希顏成立娶柳氏年十九生子宏智甫八日希顏卒婦姑同撫弱孤俱八十壽終宏智妻段氏亦早孀課子一正爲諸生邑稱三節婦家

南椿妻柳氏少寡撫周歲子隱既娶隱亦天遺瞽孫一柳與婦樊氏共撫以存南祀姑婦節孝兩全宗黨賢之

樊廷玉妻衛氏夫亡無子苦守志節壽八十有五嗣姪婦張氏事衛以孝聞

郭佩妻左氏佩卒事八旬衰翁撫幼子贊贊既成室夫婦相繼卒孫文煥亦早天畢生苦志有司旌之

運同韓士賢繼妻南氏早孀無子女矢節歷四十餘年卒段守禮妻岳氏夫亡一子尋卒貞守終身

知州宋濬繼妻張氏濬卒於官子亦殤扶柩抵里苦志以終生員柳生香妻吉氏夫亡無子撫姪爲嗣愛逾已出家貧養翁姑無缺禮事聞獲旌

韓克祖妻左氏夫亡弛容釋妝甘貧茹苦訓二子胥列膠庠年七十有六建坊旌表

庠生韓景翊妻李氏夫亡矢志子續祖繼祖俱登科第年踰

八十具題旌表

生員董惟慎妻韓氏夫卒子用惠方三歲鞠以長閨壺肅然
建坊旌表

監生衛成思繼妻趙氏早寡無出撫前子守志以壽終

郎中晉承忠繼妻李氏承忠亡無子深居不出閫不面人三
十二年如一日

王家榎妻李氏幼敏慧嗜讀列女傳略識大義年十五適榎
二十二而榎卒截髮矢志洎子澤滂稍長氏謂王氏有後可
以從夫漸減飲食積病旬日而亡

高尙古妻郭氏年十九夫亡無子家貧如洗苦節六十四年
卒

鄭達妻周氏張涇妻鄭氏南紵妻段氏柳鳳妻南氏韓得芳

妻張氏張鳳來妻梁氏南畝妻張氏楊機妻李氏劉官妻張氏周南妻石氏張世倫妻魯氏南倣妻梁氏李秉孝妻鄭氏晉邦臣妻石氏張復泰妻于氏李同妻南氏生員呂翔繼妻柳氏南煥妻郭氏盧一柱妻陰氏籍士魁妻劉氏張永中妻鄭氏知州李如松妻韓氏生員韓景瀨妻劉氏吳天福妻韓氏生員劉克寬妻段氏成建聘妻李氏南有恒妻李氏仇朝臣妻李氏知縣王嘉棟繼妻遂氏廩生石尙才妻衛氏生員趙同升妻晉氏廩生宋文瑞妻陰氏生員劉世範妻楊氏生員韓準祖妻商氏俱守志節

陳敬妻郭氏年十七適敬甫數月敬勤王遠戍旣行而子俊生敬竟不返苦志字孤卒延宗祀曾孫我官陝西布政使上

蔡陳遜學撰文表其墓

浮山下同

喬理妻張氏年十八而寡子世望未晬張苦守撫孤家範嚴
肅獲旌

高衡妻陳氏年二十夫亡三子孺幼家徒四壁氏與孀姑矢
守以節壽終

衛道妻張氏王心妻張氏侯維新妻陳氏喬維通妻張氏張
權妻高氏李約妻王氏衛朝紀妻齊氏成文妻喬氏蓋國典

妻鄒氏楊璠森妻陳氏生員李日暢妻侯氏許克已妻郭氏
崔應雛妻秦氏柏完紳妻賈氏周家宰妻姜氏李鑑妻史氏

黃浩妻張氏俱守志節
尉温妻丁氏年二十而孀貧窮自守踰四十年詔旌其門太平

同下

李湖妻張氏守節五十年嘉靖間旌

李油妻丁氏嘉靖間旌表

盧應聘妻閻氏夫亡遺腹生子聘弟應選妻黨氏歸應選踰年甫生子而孀子復天築里砥志晉稱完節

高崱妻王氏夫亡無子撫幼姪守志妾戴氏從之既長娶婦孫氏甫生孫嗣子又亡三氏協志撫孤完節以終

田齊秀妻李氏守節五十五年崇禎間題請旌表

生員李棟妻郭氏夫亡撫四歲孤克孝口授經書稍長遣就外倚約束加嚴克孝膺選拔孫宏敏成進士年五十五卒知縣道易上其事且爲之傳

生員田澍妻趙氏早孀澍有妹適王連年十九亦寡兩人晉無子伴守四十餘年都御史朱表其門曰姑嫂奇節

趙秉壽妻李氏少孀甘貧守節建坊旌表

監生李植妻衛氏夫亡同妾守志撫二子有成崇禎間題旌
壽九十終

趙蓋妻柴氏王友信妻李氏監生衛汝器妻楊氏鄭世榮妻
楊氏張九巖妻李氏衛論妻趙氏生員柴宗舜妻張氏衛常
時妻趙氏柴凌雲妻衛氏柴秉雲妻郭氏衛效時妻李氏劉
體乾妻尉氏張子登妻鄭氏薛賓妻馮氏王薦妻張氏廩生
柴柱寰妻衛氏生員柴柱宸妻張氏薛九韶妻張氏俱守志
節

劉鏜妻趙氏夫亡撫三歲子大剛既娶而歿復鞠其孤艱苦
備嘗孫邦仕邦劔胥諸生

岳陽
下同

楊琪妻喬氏年十八守節以壽終

趙鵬妻王氏廩生趙國鼎妻陰氏李夢辰妻楊氏石應輔母

任氏任可敬妻李氏黃袍妻郭氏庠生張登薦妻王氏俱守志節

趙漢妻李氏少保浩之女以節旌

曲沃下同

生員李德恭妻韓氏年二十德恭卒遺腹生男茹苦撫之歷六十餘年卒

王大儒妻史氏大儒卒安貧守志子婦劉氏以烈聞

庠生張汝霖妻房氏年十九霖病將殞氏曰盍少待遂闔戶自縊家人救甦復絕粒不食會姪鳳儀生姑喜曰此天相吾婦也卽嗣之且慰諭曰撫成此子始不負而夫氏涕泣受命卒延夫嗣以完節稱

賈獻策妻邢氏年十八夫亡生子還醮未彌月氏慟哭淚血忍死育孤及還醮就傅督課甚嚴旣補諸生建議誅賊蔚有

賢婦孫佩徵曾孫鳴璽父子同榜璽且掄元成進士咸謂貞節之報云

陳治道妻衛氏年二十夫亡遺腹生子復亨督以就學苦節匪懈事聞建坊旌表

李成科妻王氏夫亡子敬止幼矢志守撫孤題請旌表

許訓妻吉氏梁柱妻李氏張遜妻李氏生員因楷妻仇氏進士盧世登繼妻王氏任學恩妻王氏李干妻張氏趙天恩妻郭氏高摧妻許氏任鳴瑚妻王氏俱守志節

楊鵷妻戴氏孀居五十餘年建坊旌表子細早卒孫汝盈翼城

同下

生員牛琮妻張氏年十九夫亡矢志四十餘年獲旌

王付明妻楊氏夫亡矢志節翁欲奪其志氏斷指絕粒投井求

死翁意遂寢苦節五十年建坊旌表

李若魯妻袁氏年十八魯卒無子甘貧守節有司月給布米
題請旌表

生員袁守泰妻高氏早孀守志訓子宗顯領鄉薦年踰大耋
題請旌表

生員劉璜妻張氏少寡子名士亦天同媳常氏茹苦砥志訓
孫濬明登賢書具題旌表

李桓妻陳氏桓卒事姑孝謹遺子光先甫晬訓勉成名仕成
田福經歷守節六十餘年建坊旌表

廩生常君用妻呂氏孀居守志歷三十餘年嗣子啟允萬歷
丙午發解事聞旌表啟允妻陳氏年十九亦孀居嗣子拱辰
矢守四十餘年與姑同稱完節

袁奪錦妻趙氏年二十一而寡與繼姑侯氏撫孤夢鯤既娶
尋卒復與媳李氏同撫幼孫三世苦節宗黨憐之

任發第妻楊氏年十八夫亡守志撫遺腹子三德成立壽入
十餘卒建坊旌表

曹旋妻吳氏史曠妻梁氏郭維妻張氏通判張憲妻高氏王
柏妻郝氏李鳩妻周氏周謐妻聶氏續璘妻王氏生員趙遷
妻史氏郝鎧妻郭氏生員關永安妻杜氏生員楊汝滄妻陳
氏杜志在妻蘇氏生員符節妻楊氏李文智妻張氏衛天元
妻董氏舉人薛天培妻劉氏生員李日森妻袁氏李日鵬妻
孔氏高節妻戴氏俱守志節

郭文英妻程氏年十八夫亡矢志律身謹嚴足未嘗出戶育

孤進底於成卒年六十

汾西下同

要舒繼妻王氏夫亡前室子應繼已子應聘亦早天應繼有子氏勵操撫育課之遊庠

生員邢冲斗妻傅氏年十九冲斗亡于居敬甫啐守節撫孤以壽終

藍生嚴國寶妻段氏早婚守志巡按旌其閭

王經妻劉氏廩生郭秀妻師氏王柱妻程氏廩生郭浚卿妻王氏傅永貞母郭氏生員孟齊卿妻郭氏州同傅誠誨妻王氏王永光母妻陳氏廩生郭維垣妻王氏同知閻調鼎妻郭氏俱守志節

鄒銘妻張氏守節五十餘年正統間旌表

吉州下同

生員杜天培妻史氏夫卒訓子萼遊庠娶婦劉氏尋亦逝姑婦苦節以終當事旌其門曰雙節貢生杜贍妻毛氏生員劉

有丁妻馮氏俱守志節

生貞楊友松妻王氏夫卒事翁姑撫孤子守節六十餘年壽

九十卒子芳諸生孫鳳鳴以選貢官沈邱知縣萬厯間旌表

下同

王之大妻盧氏夫卒食貧守志縣令憫而餽遺之堅辭不受

勤苦以終

閻嵩妻高氏趙仲福妻李氏文朝用妻崔氏李希道妻文氏

王朝德妻曹氏冀承恩妻盧氏楊廉妻鄭氏俱守志節以上

府

段小五妻李氏年二十夫亡安貧守志晝耘夜績百折不變

洪武間旌表永濟

下同

薛綱妻楊氏年十八歸綱既生子小來綱嘗遣戍臨行顧氏

曰吾親老子幼惟子是賴氏謹識之後綱死於軍小來補父
役亦死於軍二親相繼歿氏獨營葬事貧難自給就食於弟
絕葷垢面終始不渝天順五年旌表

薛宣妻荆氏年十九歸宣生子小臺方六歲宣病篤囑氏曰
吾父以科臣使占城卒海外今吾病不起老母幼子爾善視
之言訖而終氏斷髮矢志奉姑撫幼曲盡孝慈天順間知州
上其事建坊旌表

解輝妻董氏輝卒遺子福簡未晬父母以子幼家貧諷之氏
泣曰夫死易節貧富二心非人也況二老在堂弱子在抱奚
忍棄之終身蓬首垢面力績以奉舅姑舅姑沒與子親負土
穿壙以葬哭泣盡哀天順五年旌表

韓坡妻薛氏坡商於淮病沒氏聞訃慟不欲生弟瓚妻王氏

慰曰嫂得無念後嗣乎我生男即為伯後氏泣謝早夜祝生男已果舉子楫未彌月即抱撫楫官通政孫熿大學士

段輔妻王氏輔卒矢節事孀姑王氏以孝謹聞當事旌其門曰姑婦貞潔楊襄毅表其墓曰節義成雙

楊鵬妻王氏年二十夫歿遺子甫三月事病姑撫幼子勞勤備至子偶墮井中經日出之無恙人謂苦節所感楊襄毅志

其事

王進妻張氏進沒甘貧守志孀居七十年壽九十九卒奉詔旌表

旌表

張嶺妻馮氏萬厯間詔旌

張宿妻雷氏少寡子誼幼苦節數十年壽七十有二卒誼繼

妻解氏賢淑有德解素饒匱具甚厚姑嫁仲女鮮裝送姑慙

且倫氏聞卽出已貲遺之後亦以節顯孫四維貴兩世俱贈
一品夫人建有雙節貽慶坊

中書舍人楊元禧妻張氏性仁孝年十三適元禧及笄元禧
沒孀姑裴氏難其少勸改適氏矢死不從姑愛敬彌至知州
勇慎上聞詔旌表雙節

王三宅妻史氏年十九夫亡孀居六十五年子公弼成進士
以母節開建坊旌表

忠烈韓承宣妻王氏承宣死國氏卽欲死夫難時戎馬充斥
諸子散失念姑老無依忍死待左右頻歷險阻卒保無虞鄉
黨咸稱節孝云

生員楊五禮妻孫氏夫亡事翁撫孤克盡其道甲申闖變翁
被害氏藏身廁中污體垢面賊怒揮刀破額而去氏負創斂

翁哀泣如禮後全節以壽終

國朝順治初復值虜寇亂入山逃避賊追及捐軀投山下賊退昇至舍三日復甦後十年卒

副千戶韓印勳妻孟氏年二十印勳從征流寇卒苦節數十年比沒風雨陡發有光燭體閃爍如電里人異之

守禦所應襲千戶史陞妻馮氏生員韓烜妻段氏杜文俊妻羅氏並孀居守節奉詔旌表

史璘妻宋氏洪杲妻張氏嚴圭妻王氏杜昂妻史氏張璠妻

劉氏王寅妻嚴氏生員李應奎妻劉氏張文俊妻屠氏姬懋

妻楊氏孟子厚妻牛氏郭敦妻喬氏舉人王麟妻牛氏生員

史夢陽妻王氏蕭鉉妻張氏王彬妻馬氏楊寔妻屈氏生員

羅拱楨妻賈氏舉人張永情妻翟氏趙釗妻尹氏舉人馮舜

田妻翟氏甯師賢妻高氏武生韓塏妻張氏杜惟修妻王氏
郝璠妻衛氏趙棟妻陳氏苟儀妻王氏盧滋妻鄭氏進士馮
舜漁妻李氏魏時盛妻韓氏葛之錦妻侯氏俱守志節

生員王慕妻陳氏年十九夫亡遺子三策未期家貧如洗人
皆難之氏誓死不二織絰力作撫三策成立踰四十年卒巡

按匾旌其門

臨晉
下同

生員王師德妻姚氏夫亡無子撫姪炫以繼夫祀訓讀列膠
庠年七十卒

王康妻荆氏年十七夫亡子于楚在襁褓茹荼撫孤萬歷間
奉詔旌表

許遷喬妻張氏歸許二載生子爾甲未週夫亡織紡度日終
身不淪事聞詔旌

張鳳翔妻呂氏年十七夫亡遺子樸方在抱孀居四十年訓子成名奉詔旌表

張宜妻蔡氏年十七夫亡無子誓不改適艱苦勵操壽七十而卒事聞詔旌

荆世寵妻陳氏劉思光妻王氏高標妻張氏少司馬李棲鳳繼母胡氏胡勳妻周氏俱守志節

邵千妻高氏年二十夫亡無子人利其產逼他適氏刺面截髮誓死拒之時千見萬夫婦歿於疫遺子孟通甫三歲氏撫如己子遂延宗祀氏卒孟通爲終三年喪歲

廩生王臣妻何氏歸臣生子宗甫一歲臣卒氏孝養姑嫜課宗業儒成進士官工部郎中姪宏亦早孤氏教養如宗遠近賢之事聞詔旌倚氏下同

張通妻解氏年二十七通卒矢守訓孤嚴肅長宣務農業次
敬治儒術孀居二十餘年壽八十卒敬成進士官太僕寺少
卿

喬妻令孤氏早孀食貧守志年八十有四萬厯中巡按趙
題旌

任宏妻張氏年二十三夫亡遺子闕甫晬族人漁其貲逼嫁
不撓謀斃孤氏扃戶匿闕者數年暨闕露頭角氏泣曰吾始
爲汝母汝始爲吾子矣紡織佐讀闕早貢於鄉官河間通判
孫汝亮成進士猶及見之年八十一卒隆慶己巳建坊旌表
舉人楊瑞芳妻令孤氏少有至性從父鏗授列女傳及笄歸
聯芳甫成名尋病瘵卒氏絕葷茹素不御綺羅守節二十餘
年卒

楊騰飛繼妻姚氏前子仁妻孫氏仁先卒後三年騰飛亦卒
孫年二十三姚年十九姚女未週孫子佳允甫一歲姑婦矢志
畢世不渝

李貞賢妻范氏貞賢卒遺孤學顏甫三歲氏抗志守節課子
力學成名巡按題請旌表

庠生裴鵬妻荆氏守節四十餘年巡按題旌

諸生常元楨妻張氏年十八夫亡砥節撫孤氏嚴色正氣凜
不可犯元楨弟家有鬼祟患擲瓦飛礫卽貴介大神至弗懼
也張至則寂然無聲直指上其事詔旌之

諸生孫昌期妻陳氏昌期爲族人昌祚凌迫死氏年二十一
無子女抗志復仇屢控當道訴夫寃卒蒙審理昌祚坐罪磔
衣巾遂哭告夫墓曰夫寃稍伸妾可從死但舅姑且老誰爲

侍養嗣自勤績繼操井日生養死葬盡禮無愆孀居五十八年以壽終

武舉令狐縉繼妻姚氏年十九而寡孀居踰六十年獲旌

雷汝茂妻原氏年八十七萬歷四十四年以節旌

行人王春楨妻荆氏夫亡守節課子含光早年登第亦任行人疏陳母節詔旌

孔學易妻郝氏孀居歷三十七年獲旌其子伯江育義女云姐適張有春年十七閩亂守義不辱抱子匿井中賊以火薰之死蓋亦由郝之貞訓有素也知縣陳素抱爲之傳

令狐潤妻陳氏沈廷吉繼妻丁氏耿節妻楊氏史文德妻管氏生員衛道妻李氏荆一德妻展氏杜江妻張氏何東直妻孔氏孫周妻王氏楊繼志繼妻張氏喬應徵妻閻氏李光普

妻楊氏何洪烈妻張氏生員喬唐建妻陳氏生員衛珣妻荆氏舉人閻養醇妻王氏生員荆可楓妻張氏何起翔妻李氏何仕俊妻王氏曹鳳翔妻李氏荆永芳妻楊氏李春賢妻何氏王承倫妻張氏劉德盛妻王氏原天倫妻張氏趙天福妻曹氏張嘉猷妻王氏高守山妻張氏鄭繼芳妻關氏張問仁妻荆氏楊邦正妻張氏俱守志節

生員楊喬妻史氏早孀奉姑甚孝姑年九十三不能動履朝夕侍奉無怠姑沒葬時有羣鶴繞於其宅咸謂節孝所感事聞旌表萬泉下同

孫清妻王氏生二子夫故撫孤守節夫弟亦故遺一子撫如已子比長均業授之里稱賢節

張氏雙節義民張宗漢之二女長適王尙志次適吳告君胥

早寡守志以壽終

董廷英妻衛氏年十八而寡無子女家貧如洗勵節六十餘年嘗遭感加存卹

薛陵妻牛氏薛應湧妻李氏賈勝妻張氏生員閻文妻王氏劉仁妻孫氏高應科妻李氏俱守志節

趙立妻張氏苦節四十一年宏治元年旌

榮河下同

樊清妻吳氏孀居三十五年正德十一年旌

生員馮信妻蔡氏守節四十九年嘉靖十四年旌

劉遵義妻田氏年十九夫亡教子成立嘉靖間旌

武應舉妻盧氏莊靜有女德年二十夫沒矢殉父母慰止之貧無所瞻寄居母家紡績自給歷四十年卒萬曆間旌

蔡澄紀妻潘氏年十九夫亡生子甫一月矢志守節歷年八

十事閭旌表

張自立妻武氏夫卒引刀自矢繪夫像敬事終身事閭建坊旌表

盧國治妻潘氏夫邁病數年侍奉不少怠及孀居年二十四比操金石享壽八十事閭旌表

生員郭九韶妻李氏年二十夫故矢節撫孤天啟四年旌表子俊彥預恩薦授通渭令氏封太孀人

米萬厥妻董氏翁氏人姑近百歲失明夫亦瞽不能周養氏勤紡績以給食冬寒負之暄日每先姑後夫夜無衾挽夫足環抱其姑解衣相覆而寢數年如一日鄉里推舉當道旌其

曰曰賢孝之婦以上蒲州府

趙敬妻牛氏苦節四十八年宏治間旌子鉉諸生長治下同

糜生盧清妻吳氏清父母客臨沼相繼沒貧甚不能歸葬權
厝郊外課徒自給居二年復之汴以疾卒吳聞訃痛絕歎曰
吾舅姑委骨於北良人殞命於南天乎何毒痛至此乃寄幼
孤于女兒鬻女爲路費抵臨沼號于野值前徒指以瘞處因
得收二骸歸復入汴負夫骨還三喪畢葬先兆學正劉崧言
於州守馬暉出俸金贖其女仍厚恤之

監生宿昭妻黃氏昭卒斥鉛綺稱未亡人治生業攻苦服艱
不遺於力朝夕奉養曲盡孝道舅姑安之宿氏業益振子政
王府儀賓能讀父書以克家稱宏治間旌太史賈誼爲之傳
劉文安公龍撰貞節錄序昭弟瑤亦早卒妻王氏守節有嫂
氏風

周景妻王氏景及父誌客死鄆縣王拮据迎二喪歸葬長子

倫甫數歲次子備方在娠既鞠之長括遺貲使治商家遂裕
性好施尤肅於內政子孫稟命如嚴君守節四十餘年以壽
終

典膳梁木妻陳氏木早卒遺孤永爵甫三歲永祿未晬姑李
祖姑韓俱衰老孀居仰事俯育憂勞曲盡嘉靖庚子二子同
舉于鄉甲辰永祿登進士事聞詔旌爲三節之門陳氏累贈
至夫人

梅守釗妻楊氏濟陽衛人少孀守節三十年有司旌之

指揮薛朝印妻劉氏年十九朝印死於陣號泣將以身殉顧
遺姪四月忍死待媿後生男奎撫之長襲父職志行無玷士
人賦詩美之

栗繼芳繼妻任氏磁州人嫁甫八月而孀同里進士某時尹

長子欲娶之任誓死力拒撫前室子嚴慈並濟後稱克家守節四十餘年卒

生員劉珽妻張氏早寡安貧矢節子宸舉正德己卯鄉試赴部卒於道妻戴氏與姑同志課子學顏旣入庠食餼旋卒妻亦繼沒而張與戴熒熒相依白髮完貞人悲其遇而高其節郝莊妻孔氏孀居守志當淮存時有友寄白金數百於家淮沒或勸弗與氏正色曰不義之行忍玷夫于地下耶悉召還之歸子繼其甚有義方年八十卒

原文會妻宋氏嫁未期夫亡遺腹生子常守節六十餘年巡按旌其門

郭氏三節者郭明妻宋氏明卒苦志撫其二孤長紀娶馮氏次繕娶張氏未幾相繼亡而媳協志養姑馮有子鑑張無子

其撫成之

陳可大妻郭氏年十七歸可大不二載而寡子女俱無食貧守節壽九十有一

周再燦妻賈氏年二十而孀子女無出矢志不二卒年七十延慶知州程應登繼妻韓氏歸程後撫前室子女不啻已出兩從宦遊以清白相夫夫卒哭而絕者數四殯虞之後坐臥一小樓供夫像朝夕奠蔬果不奠不食也三十餘年未嘗少

輟壽七十六卒

南通州知州栗永馨妻郭氏性謹密綜理諸務巨細咸悉永馨意及永馨夫婦相繼沒家事裨益一身氏區畫井井撫兩子淑瑞延師督課皆有聲場屋氏無出年二十一孀居守節

歷五十年卒

璩森妻高氏王鏗妻李氏袁汴妻張氏李德化妻王氏王世
光妻賈氏生員任汝賢妻吳氏潞州衛百戶王榮妻武氏生
員魏文淵妻王氏原江妻郭氏鮑鳳妻王氏江椿妻栗氏江
紹祖妻趙氏王聚良妻馬氏庠生仇渙妻李氏蘇懋妻阮氏
典膳李休妻崔氏蘇時中妻常氏蘇時和妻李氏庠生潘桂
妻王氏俱守志節

吳子甯妻李氏建文二年以節旌

長子下同

索經妻關氏守節五十年獲旌子進祿世祿

閩宗魯妻郭氏年二十夫亡遺孤世卿甫七月鞠以長督課
甚勤世卿由貢生官博士

兗州推官陳天爵繼妻潘氏天爵居官清素比卒囊橐蕭然
氏甘貧茶苦撫族子爲嗣守節三十年而終

韓卿妻高氏夫早亡子德萃亦夭高與子婦胡氏食貧守志
機杼相對不夜分不止有司旌爲雙節

鎮原知縣張美繼妻馮氏年二十夫亡無出將從死以救免
課前室子問明力學萬厯己卯舉於鄉

張臻妻崔氏夫亡撫子子亡撫孫孀居垂七十年人高其節
吳守謙妻王氏年十八夫亡遺腹生子尙質守節撫孤以終
高思純妻孔氏守節四十餘年獲旌

生員王銓妻馮氏高嶽妻馬氏王三第妻潘氏生員劉世科
妻任氏道管妻索氏陳大玉妻張氏李進明妻程氏生員馬
承恩妻劉氏俱守志節

李朝卿妻郭氏年二十而孀嘉靖中以節旌子之茂舉庚子

鄉試地留
下同

生員張承輔妻段氏少孀無子撫族姪應奎守節直指史齊巖給粟布旌之

馮邦器妻鄭氏年十九夫亡遺一女及笄亦天毀毀孤苦盡葬事姑事聞詔旌

申福妻李氏子文興妻常氏孫良妻李氏得年二十餘而寡撫孤守志三世同操李以徒手備織奉兩姑人尤難之

李棧妻張氏槪吏壺闕遺疾卒氏易衣飾具棺歸葬紡績課子子尋天孤苦勵操人咸重之

監生申所見妻李氏夫卒子宏才宏道俱幼撫孤二十年宏道復天婦姚氏年十七永矢不二李嘆曰吾夫天吾子又天薄德之致也爰是矜孤恤寡宗黨之不能婚葬者傾貲助之厥後宏才領已酉鄉薦咸謂苦節種德之報萬厯間詔旌

生員李楠妻王氏夫沒無子女茹苦勵操成饑富人嘉其節
周以粟氏正色拒曰吾孀婦何以受此卒卻之聞者欽歎年
九十五卒

暴所學及弟所性並諸生早卒所學妻李氏所性妻郭氏妯
娣同志誓不二天撫子成立並詔旌表

馮王擢妻常氏年二十夫亡有謀娶者氏挾利刃矢曰吾頭
可斷此志不可奪卒完節以壽終萬厯間旌表

舉人王弼妻郭氏年二十一而孀以節著

王文淵妻楊氏年十九生子盱未期夫沒育盱成立娶韓氏
生子堯聘盱以吏卒於京韓扶柩歸葬事姑終身無忤堯聘
既授室而天妻霍亦矢守不替邑稱三節

申周屏妻霍氏年二十夫亡無子女冰蘖畢世當事獎之

生員徐一耀妻李氏夫亡子陞甫啐繼姑欲奪其志氏號泣
願與子俱死姑意遂寢當道歲給花布旌獎

生員李琪妻張氏年十八琪亡引刃刺面誓死撫孤卒年七

十五琪弟庭妻鄭氏年十五歸庭閱七月而婦足跡不履戶

庭鄉黨稱雙節

李道隆妻楊氏苗隆妻王氏宋朝臣妻韓氏趙雲鵬妻郭氏

劉一清妻李氏張龕妻宋氏李席珍妻馮氏李成章妻陳氏

俱守志節

師克已妻李氏孀居撫孤紡織自給守節五十餘年洪武間

旌褒同

劉濂妻衛氏年二十濂卒氏婦代子職事姑至孝事聞獲旌

編修張治撰節婦碑

生員李高妻路氏以節著年九十乃終子身登鄉薦

張伊智妻韓氏性貞慧幼從帳後聽叔治爲諸生說詩至栢舟曰爲人婦不幸不當如是耶治大奇之及笄適伊智家貧相夫甚勤及伊智卒內外無倚截髮自誓日夜緝績資以生痛兒以貧故失學兒出服篠於官輒飲泣恐兒聞傷心還輒止當未寡時一日父母遺車來迎心動謝弗往已而寇闖入塞父母闔室俱殲乃徒跣求得其尸吮血而碧葬焉邑令旌其節孝少保劉龍撰誌銘

庠生崔濟妻常氏夫亡豪家強婚氏自縊救甦訴當事卒全節以終

崔瑄妻趙氏少孀守節年九十六乃卒

監生王永芳妻崔氏守節七十一年卒年九十三

郝華妻李氏少寡撫子思仁長娶栗氏生一子不育思仁尋卒栗矢死靡他事李垂三十年李沒負土封墓不櫛髮不茹葷哀毀終喪直指旌其門曰姑婦雙貞

史廣妻朱氏成化六年以節旌

潞城下同

李芳妻宋氏守節三十年成化六年旌子祿甫昭甫

生員馬負書妻張氏年二十夫亡遺孤甫基礪志守節其後父羅背羊之變氏哀痛切心目雙瞽子鐘晨昏禱天目竟復

明享壽八旬鐘任學博以孝聞

平順人傳志二縣並列入

秦鉅妻王氏夫亡食貧守志訓子邦寵成立苦節三十餘年卒

趙志道妻賈氏少寡守節訓子貞元列贊序當道旌之

歲貢王化民妻孫氏青年矢志撫孤恭已成名年七十三卒

劉志純妻段氏年二十一而寡勵志守貞孝慈克盡成化三

年詔旌

黎城下同

靳正妻王氏年二十守節成化六年旌

季麟妻王氏成化六年以節旌

諸生李信妻韓氏韓洪妻楊氏同時並以節旌

王尚志妻張氏年十九而寡撫子汝學娶張氏年十六亦寡
遺姪越月舉子國忻兩孀茹苦撫孤成列邑庠旋亦天其媳

趙氏年二十一守志如兩姑邑稱世節

王世榮妻孫氏王廷詔妻靳氏唐麟妻王氏庠生韓永甯妻
李氏韓楚母李氏妻楊氏廩生王行讓妻高氏廩生高忠士
妻王氏廩生王國祚妻徐氏王進業妻劉氏庠生高可仰妻
史氏妾劉氏高鳳鳴妻李氏庠生王珠妻李氏庠生李養性

繼妻王氏王嗣榮妻胡氏王嗣賢妻師氏王嗣隆妻李氏靳
文魁妻張氏祝永疆妻周氏庠生王承龍妻郭氏俱守志節
王觀妻程氏年十九夫亡遺孤昇平甫暮終身紡績以養舅
姑洪武二十九年旌表空闕下同
問贊妻張氏夫亡撫子節旣授室而天復撫其孫巡按陳表
其閭

生員郭恢妻張氏少寡守節終身內外無間言奏聞旌表

牛進寶妻杜氏苦節六十一年卒萬厯中詔旌

姬守節妻郭氏夫早卒矢志終身萬厯四十二年詔旌

韓天民妻李氏夫亡撫子之屏娶婦牛氏閱四載之屏亦亡
牛從姑守志撫孤成立

牛相妻路氏馬漢妻程氏平齊妻張氏平朔妻張氏楊準妻

李氏生員閻鉅妻朱氏陳設妻萬氏陳志高妻吳氏郭江妻
宋氏梁欽妻劉氏吳棟妻王氏監生朱洽妻蔡氏張弛妻楊
氏泰一卿妻李氏庠生陳霆妻常氏俱守志節

李輝妻党氏夫亡子倫甫晬守志歷五十五年成化間詔旌
平順下同

曹汝桐妻郭氏年十七夫亡遺姪生子鵬撫成尋亦卒又撫
孤孫卒年七十二奉詔旌表

生員郭應曾妻曹氏年十七夫故守志終身當事旌之
縣志郭應曾妻

史載德妻張氏守節五十餘年卒年七十
縣志史載德妻守節五十餘年

郭世玉妻陳氏年二十遭夫喪子從魯甫週歲事舅姑撫幼

子婦居七十年兩遇兵喪全節無虧洪武間旌汾陽下同

李桂妻蘇氏千戶謝德妻王氏田訥妻郭氏劉鑑妻段氏樊

鶴妻任氏常保妻田氏俱少寡守節建坊旌表

劉景博妻嬌氏孀居五十年足不踰閭紡績課子雲漢由貢

生任南夏學訓導知府安鵬奏表其門

鎮國將軍朱奇漆妻王氏少孀矢志奉姑六十餘年壽躋大

耋見孫曾四世嘉靖三十九年賜勅遣使詣第旌表

生遺出一蘭妻張氏夫亡無子孀居四十年清操凜然

聞伯松妻朱氏伯松早亡翁姑亦逝伯松幼弟氏撫成娶婦

尋亦卒遺子田芳育爲己嗣訓讀成名巡撫匾曰三世維風

歲給穀二石布一匹

舉人常祐妻謝氏李金榮妻吳氏蔚大賢妻郭氏韓秀妻謝

氏張大化妻原氏田贈妻武氏生員賀時泰妻賈氏俱守志節

生員相仲禮妻于氏仲禮沒刺一目以矢志姑邢氏年八十

子保甫三歲仰事俯育終始不渝事聞獲旌下同

生員李華妻矯氏少寡翁姑俱八十餘子憲生甫十月氏事

育盡道冰操不渝宏治間旌

李辨妻梁氏孀居課子願領鄉薦官郡丞事母稱孝有司奏

請旌表

蘇士學妻李氏年十九夫亡長子繼在抱次子續方娠氏事

親撫子苦節六十年獲旌

溫登魁妻梁氏年十九夫亡撫子守節刀墮三指以示志卒

完節以壽終

任建妻溫氏生員梁士豪妻田氏王胡妻郝氏知縣梁榘妻
曹氏妾崗氏邵良臣妻張氏李蘭妻劉氏石廷學妻任氏雷
三畏妻郝氏俱守志節

文整妻李氏正統十一年以節旌

介休下同

羅維妻朱氏年十八夫亡生子甫三月哀毀逾情堅守志節
成化二十三年旌

宋彬妻羅氏彬卒家赤貧紡績自給志行無玷嘉靖七年詔
旌

李延保妻秦氏年十八夫亡家貧勤紡織茹糟糠冰霜矢志
抉而毀容年九十而終

王附學妻梁氏孝事舅姑慈育孤幼年九十五以完節終嘉
靖四十二年旌

宋尚志妻文氏天啟間詔旌

喬士思妻郭氏王睿妻鈕氏鴻臚寺寺丞王嘉璋妻趙氏俱
守志節

任全繼妻王氏全卒氏無出撫前室子文約有恩年六十二
卒孫女二一適劉公順一適李頤胥少寡守志始終弗渝其
得于氏之教者深矣孝義下同

吳全妻張氏全沒竭力養姑有以貧諷者卽面斥之不與更
見姑卒困苦終身

諸生任希閔妻趙氏年十九夫亡事舅姑甚謹子朝宗旣長
督課苦勤後仕爲睢州判官嘉靖間詔旌

鄆縣知縣馬廷華妻王氏廷華卒子復殤氏爲夫樹坊表里
有義舉至易產業出奩資佐之曰夫旣無後庶藉此以傳于

世知縣胡表其門

舉人孫章妻李氏呂鉞妻韓氏庠生張荷妻王氏庠生史宗
王妻孫氏拔貢張正志妻任氏俱守志節

生員冀善妻嚴氏少孀矢守閨範肅然年八十五卒建坊旌

表

臨縣
下同

韋太妻李氏太早卒志節堅貞教子成立官州判宏治二年

旌

武勉仁妻高氏夫亡茹苦勵志訓子積成名御史齊旌曰貞

節

王廷佑妻郝氏早歲孀居蓬首垢面冰蘖終身御史桂立坊

旌之

知州郭有爲妻任氏子孔亨妻白氏孫肯構妻高氏三世孀

唐節操如一當道旌曰三節流光

趙從東妻劉氏夫亡無子繼姪環爲嗣環無行蕩產殆盡氏曰此天之困我也針黹自給志行益堅年八十六卒

高允舜妻郭氏允舜沒姑以痛子繼遊氏拮据兩喪憂勞成疾矢死撫二子讀書以節壽聞

王大賢妻薛氏及子三聘妻郭氏賀承惠妻陳氏生員郝有成妻崔氏生員殷福妻郭氏劉慎體妻韓氏俱守志節

諸生鄭維賢妻孫氏甘貧守節卒年七十有二獲旌石樓下同賀應元妻劉氏年二十夫亡遺孤光祖未期苦節撫孤旌如

例

生員李元宏妻賀氏知縣許諭妻王氏俱守志節

張璞妻李氏少孀事翁姑以孝聞訓子成立守節四十餘年

有司奏旌高陵呂柟爲之記

永甯州下同

生員閻文瀆妻王氏年十九夫亡遺幼女二家貧矢志年踰八十奏聞旌表

生員張鏈妻崔氏守節五十餘年獲旌

生員車垣妻胡氏茹荼守志境彌苦節彌堅獲旌

張餅妻王氏年十九夫亡無子孀居四十餘年家人弟姪罕接其容有司旌之

張煥妻梁氏王廷弼妻張氏俱守志節

劉璋妻曹氏年十九夫亡遺一女甘貧守志完節以終甯鄉下同

生員衛君寵妻劉氏少寡守貞教子直指旌其門

劉進良妻任氏夫亡食貧撫子孀居五十八年以節壽稱

武廷斌妻白氏夫沒遺一子荼苦操作勵節終身

王崇德妻田氏年二十稱未亡人子朝相既授室而天婦高氏砥志同姑當道並旌之

生員劉有孚妻楊氏年二十夫故家貧無子苦志守節邑令旌之

生員王幹妻靳氏幹疾篤氏割股罔效卒姑武氏患瘡氏口吮之復爲割股接院旌其門曰節孝

生員楊燦妻王氏孀居以節著子士俊

侯孝女字秀姑汾陽侯明亮女也歲荒食盡母呂氏將溺井女號泣隨其後挽救不及亦躍入從之時年十四郡人至今名其井爲孝女井

平遙三孝女者姓趙氏父母年高鮮兄弟三女願侍養胥不欲適人孝謹曲至雖丈夫子不是過也親沒三女躬負土築

墳高三十尺周圍二畝餘女各植柏一株至正德間夜有盜
樹者樹將斷斧聲徹村墟二十里鄉人競異之今尙存柏一
株咸呼爲孝女墳云

以上汾州府

孟誠妻高氏孀居機紡自給子泰娶王氏生子鑑而卒鑑娶
牛氏生三子彪錦欽鑑亦早夭兩家父兄憐其貧均欲奪其
志王曰吾姑爲節婦矣牛曰吾姑繼祖姑爲節婦矣矢志堅
貞後先如出一口皆年七十而終里有三節堂後孫官侍郎
曾孫陽行人以諫死咸爲名臣忠節萃於一門

以臺下同

兵部司務郭環妻張氏環卒於官氏攜兩孤志學志仁扶櫬
以歸既葬躬紡織課之攻苦力學相繼登第

李朝元妻毛氏事繼姑稱孝朝元早逝苦節六十餘年當事
旌之

諸生劉孟津妻王氏早孀課子遊庠歷六十年艱難困折兩
目俱盲又有朱氏者諸生劉孟濱妻也亦苦節四十餘年而
沒當事以雙節旌其門

毛炳然妻王氏炳然商於外感風痺歸氏典器服購醫藥侍
養數年不懈及沒觸頭出血幾絕藉紡織以資膏火教子俊
民有聲庠序事聞旌表

党鳳妻張氏少孀甘貧矢志倚織自饒教育孤子閨闈肅如
事聞旌表

韓表妻裴氏以節旌

諸生李大隆妻郤氏隆卒京邸氏聞訃痛絕守節歷三十五
年獲旌

趙汝鳳妻魏氏孀居撫孤騰躍既授室生子而天又撫孫萬

國年八十四備嘗艱苦州守旌之後四十年有苗氏者趙日
映繼妻也年十九而寡無子事孀姑以孝聞及姑卒躬自營
葬四棺纍紮痛感道路州守亦匾旌焉

舉人孟思妻鍾氏年二十而孀子履約妻馮氏亦早寡訓子
士貞力學爲諸生未幾卒其妻王氏偕妾甯氏撫子璋璋復
早沒撫三日孫淑以延線嗣三世四節人悲其遇而未嘗不
奇其至行之萃一門也

貢生張焯妻李氏年十九而孀以節獲旌子祖陰諸生後客
壽縣令王采所與采並殉難妾申氏撫孤入郡庠求祖陰遺
骸不得痛悼成疾卒

孝子趙友益妻安氏馬負圖妻周氏張重光妻馮氏庠生張
燮妻靳氏義官董思燾妻耿氏段一宋妻李氏張一桂妻郭

氏庠生石文炳妻趙氏侯侃妻康氏田鐸妻王氏生員李長
盛妻裴氏生員郝訓妻王氏任中輔妻劉氏關守智妻連氏
王納言妻任氏奉國將軍朱聰澆繼室李氏朱充策妻王氏
鎮國中尉朱俊蒸妻李氏署丞段廷黼妻魏氏段居讓妻龐
氏王堯臣妻姚氏俱守志節

張友讓妻王氏孀居安貧苦守資女紅奉姑教子足弗踰閭
弗與宴會終始以禮成化七年旌高平同

李韶妻邢氏韶亡以死自誓堅持不二成化七年旌同時旌
者王子章妻李氏苦節歷四十年

邵榮妻璩氏邢揆妻李氏並青年矢志作苦資生而璩歿後
墓產紫芝二本人尤異之縣令劉鳳池有詩憑弔

生員陳鳳妻李氏鳳卒家赤貧守志不踰倚紡織為命子輔

以歲貢官漢陰知縣成化七年奏旌

龐暘妻陳氏苦節四十餘年如一日萬曆壬寅遇覃恩詔表其閔復丁二人邑人馮養志志墓

舉人邢國庶繼妻趙氏適邢一載而寡年十九食貧勵節奉姑終身教前室二子成名奉詔旌表

張朝相妻李氏生二子而朝相亡氏年十八艱虞萬狀長子嘉祥娶李氏次子嘉瑞娶賈氏後兄弟相繼死二婦誓共守節與姑俱以壽終

宮詹劉虞葵妾畢氏年二十一遭虞葵喪撫嫡子文徵於襁褓誓死保護族子不得肆其贅卒全三尺孤以縣一綫後文徵以蔭官部郎疏請旌表

牛天賜妻梁氏進士牛翀元母孀居未嘗見齒苦守四十餘

年子貴受封依然寒素建坊旌表

李嘉言妻張氏李經邦妻王氏馮坤妻田氏李時漸妻張氏
姬佩林妻郭氏生員牛星妻薛氏郭守恩妻孟氏常太妻張
氏郭思恭妻關氏李大勳妻王氏郭治禮妻畢氏何春妻王
氏張孟秋妻李氏郝慶妻李氏李佩妻朱氏李彪妻王氏俱
守志節

段居仁妻宋氏夫亡紡績資生養姑教子洪武間旌

陽城下同

栗氏雙節栗文輝之二女長適宋貞次適王愈俱年二十守
節成間旌

李紹妻張氏早寡淡泊自甘紡績為業宏治間旌

李守然妻張氏夫沒家貧斷髮誓守正德間旌表

栗實豆妻楊氏年十九夫亡無子家甚貧抱幼女依母氏為

居備極艱辛獲旌

貢生郭九思妻楊氏名臣繼宗女九思卒撫二子昊昌以慈母爲嚴師後俱登賢書

生員原一揆妻謝氏早寡子泉博尙幼紡績訓讀泉博娶王氏未幾亦天遺孤其秉甫三歲王氏孝養孀姑撫嬰成立當事表其閭曰姑婦雙節

舉人白所樂繼妻延氏所樂卒遭家多難茹荼鞠子子允爽不祿孫方旭生甫十月子婦王年十九氏復勉慰少婦撫育遺孤凜然若冰柏聲壽躋九十王亦七十方旭官壽州丞生員田墾妻原氏早寡二子實堅實栗俱幼嚴督之實堅娶妻王氏而天遺腹生子士珍王氏與姑誓同守節巡按旌之孫曾多遊者

生員喬鳳鳴妻田氏夫亡鞠其遺孤彬樸以長皆娶有婦而相次天兩婦並陳氏女各以節著歷五十餘年孤孫映伍遂成名州守徐芳傳其事

孝子王冲妻劉氏冲十九從父淑陵官京邸病亡劉年十七聞訃哀號更衣自縊家人救甦自是孝事舅姑撫子元貞成立天啟間旌

成朝寶妻吉氏甘貧守節卒年九十有三崇禎間奉勅建坊
王質妻吳氏王質德妻徐氏舉人侯一律妻謝氏楊堯瑞妻
李氏楊堯年妻原氏崔繼文妻粟氏崔繼夔妻原氏生員郭
光大妻原氏張克家妻凌氏張問明妻田氏生員原一陽妻
成氏衛天寵妻耶氏白儒妻王氏知縣宋之范繼妻王氏成
家妻吉氏生員李紹芳妻白氏李養正妻張氏原江妻王氏

陳瀚妻王氏郭瑀妻孫氏路天寶妻齊氏李敦化妻田氏田
應雲妻潘氏生員陳炯妻賈氏張國泰妻王氏生員朱大化
妻王氏田志節妻賈氏田應選妻呂氏俱守志節

韓時妻牛氏夫亡無子紡績養姑洪武七年旌陵川下同

和憲妻蘇氏成化間以節旌

趙源妻王氏張真妻李氏舉人士潔妻和氏俱守志節成化
間旌

進士武思明妻姬氏思明早卒清閨自閨志潔冰霜正德間
旌參政王尙綱以雪竹命題詠其事

生員武來遠妻韓氏夫亡遺腹生子世喜氏年二十翁姑在
堂家貧食力生事死葬動合禮儀州守馬泗驥上其事

生員張習妻杜氏夫亡無子矢志不踰年八十二卒

李新妻王氏夫死遺腹生子紡績育孤年八十卒

生員都一龍妻婁氏少許字龍龍病篤迎歸甫一月龍卒氏年十六念舅姑失所忍死孝養冰貞不斃年踰八十萬歷間旌

生員王克秤妻甯氏夫卒守節年八十而沒子學禮爲諸生有聲

生員婁子遇妻郎氏年二十喪夫撫遺孤繼世甫授室而天媳徐氏孝姑守節院道有雙節之獎

生員徐炯妻趙氏年十六炯卒無子貧苦不能舉葬資力母家年逾六十茹荼自甘備針指過悴遂傷一目事聞旌表生員婁子進妻徐氏孀居無子守志六十餘年院道匾獎之舉人韓國賓妻李氏守節四十年崇禎間旌

宋希堯妻徐氏夫亡年十八遺腹生子廷彥堅貞自勵巡按
郭高題旌廷彥後以諸生貢太學

宋希文妻李氏年二十而寡投繯數四救甦清操無教教子
廷瓚爲諸生崇禎開旌

通判張信妻馬氏生員馬思馴妻郭氏馬一鳴妻武氏武松
清妻王氏郎應堂妻蘇氏趙守庫妻馬氏韓朝士妻李氏徐
党妻賈氏王餘慶妻和氏徐必昌妻趙氏武鎮宇妻都氏武
新民妻馮氏某妻都氏甯承法妻張氏俱守志節

楊文鎮妻車氏文直妻侯氏文鎮兄弟相繼死車與侯俱年
二十餘車無出侯一子世隆僅週歲二人誓志共撫之人稱

雙節

沁水
下同

原大做妻郭氏大做早卒無子守節後大做弟大經夫婦俱

亡遺子俱幼郭撫如已出完節以終

庠生張謙光妻竇氏謙光卒氏年二十四守節撫襁褓子官備極艱苦孫五典登第氏猶及見焉

諸生李新香妻竇氏新香病篤氏籲天以身代卒不起氏撫子女事孀姑竭情盡禮父玳服買於梁不返氏養母終身奉詔旌表外孫張忠烈銓立傳

張安祝妻焦氏甫子歸安祝以貧故往來梁宋間鬻鹽三年始歸月餘復出及氏生子而安祝已死氏引刀誓志傭作餬口艱苦備嘗卒能養姑代終撫子成立

廩生王體乾妻張氏孀居厯艱禦侮督子維成朝夕勉以詩書嘗爲之燃荆照讀維城由諸生貢太學孫曾相繼成名

廩生劉用章繼妻張氏用章前娶李卒遺孤韓僅三月張年

廩生趙永健妻呂氏永健卒無遺腹子品與姑商氏相依爲命機聲扎扎備歷酸苦後婦姑皆年踰八十品亦克家事祖母及母以孝聲聞

儒士韓施仁妻劉氏夫卒氏欲以身殉姑勸其字孤已而孤復殤氏大痛三就縊悉爲家人所救乃嗣姪瑄爲子孝慈之聲溢於里黨學使旌其閭

席曰正妻王氏年十八而孀祖姑年踰九十翁姑亦衰老氏奉之惟謹家鮮親丁從姪崇敬十齡矣撫爲已子後崇敬娶妻生子珍夫婦以貧轉溝壑死氏含辛撫珍卒延夫祀
賈顯福妻韓氏年十九夫故遺腹生子韓初矢節閱四十年姑卒子亦繼死孤苦異常當道旌之

舉人張鈴妻劉氏莊靖公東星女孫也鈴早卒劉矢節撫孤

道溥未幾溥殤絕飲食誓必死舅姑令嗣猶子道濟數年道濟亦亡凶慘疊罹四十年貞操無斃得旨建坊旌表

譚福妻李氏韓永實妻李氏楊世錦妻張氏張鑑妻王氏官生李希鑾妻張氏庠生劉喬蘭妻柳氏庠生丁世珍妻王氏霍鏡妻張氏劉川力妻常氏王九棘妻劉氏賈加猶妻霍氏庠生蕭思濟妻張氏霍汝廉妻田氏王誥妻賈氏王卿妻張氏劉東吳妻常氏衛宇樸妻李氏庠生何通海妻李氏韓任仁妻劉氏王蘊古妻郭氏王體民妻黃氏張綸妻尙氏李春盛妻張氏鄭紹周妻楊氏李本培妻張氏秦增榮妻趙氏俱守志節

韓秉仁妻郭氏家貧仰食女工竟成廢疾不能仰視孀姑與母一時同病氏更迭省侍不以貧疾少懈姑病篤遂專奉姑

山西通志卷一百六十三
跪伏給事頻更牀褥不令穢溺及體未幾母卒氏奔哭盡哀
卽返以姑病易衣始入姑竟不知其失母越旬日姑亦卒斂
殯合禮邑人皆稱其孝

以上澤州府

右明太平蒲潞汾澤六府屬四百三十三人

附見者四

七百六十七人